




浙江圖書館



嘉慶庚申重輯

嘉興府志

浙江圖書館

序

今之府州縣卽古之侯國府州縣

之志卽小史所謂邦國之志也志

與史相表裏古所謂晉志鄭志之

屬今不可得而見矣班史改史記

之八書爲十志而始志地理則志

者特史之一端而地理又志之一

端耳江文通云作史莫難于志而
府州之志則又難焉者何則史志
多卽事成文標舉大指取備一朝
掌故而府州之志卽一地理而天
文律數諸志以及人物之紀表傳
序胥統著之則一志實備史之全
又且古今連屬幾成通史其所係

顧不重歟且夫事無論當否取其
覈語無論繁簡取其雅固載筆所
首務矣然閔而勿曜則采摭者難
也散而無紀則整齊者難也尋源
竟委不知所裁其何以綜述前聞
踵成新製耶故常謂史可數百年
一修志不可數十年不再修也蓋

史有實錄起居注會典檔案班班
具在志之所取材者故家譜狀類
多溢美失實幽芳潛德積遠愈晦
金石刻文字仆翳于荒山叢冢之
間卽故府成憲胥吏或援合假借
以成其私甚或不戒于水火徵文
徵獻漸以無稽此孔子所爲致慨

于杞宋也

皇朝撫有九有百六十餘年

列聖勤求至理政化翔洽薄海內外一道

德而同風俗况嘉興爲浙江支郡

之首介蘇杭二大府間川澤沃衍

聲名文物蔚爲東南之望顧自康

熙吳志以後迄今垂八十年其間

遷改漫滅與夫人風物產興廢升降及傳聞觀記所異同何可勝數使第曰苟安毋動姑以待後之人此其待之者將何所底耶然則網羅釐定以備

國史之采擇非守土者之責而誰責歟安承乏于茲兢兢以不克稱職爲

懼迺謀之七邑令君暨鄉之士大
夫削觚授簡往復商榷而安以案
牘之隙復謬加裁訂閱寒暑幾一
周始克葳事除卷首士隨掌故

天章

巡典不計卷外爲書凡八十卷爲目三十
八體例依準舊志間稍爲變通蓋

既乏才學識之三長不欲輒事更
張以駭一時之耳目也語有之不
習爲吏視已成事又曰前事之不
忘後事之師也周官土訓掌道地
圖誦訓掌道方志而皆以訓名官
則是圖之與志其足爲涖治之軌
範者多矣是故志者記也積記其

事而且美惡勸戒之義昭然共著

事而且美惡勸戒之義昭然共著
焉是亦今昔得失之林也而豈曰
一府州縣之志云乎哉是爲序

峇

圖

嘉慶五年秋七月浙江嘉興府知府

伊湯安謹撰
浙

朱明影安蕪蕪館

嘉慶正年煉小良書正嘉興德映

圖

一秋快瀾之志江平端景

浙

無量亦今昔縣文林出而豈日
事而且美聖博來之義即然共

嘉興府志序

地志之尚繁富始於樂史寰宇記
自有此作後之志郡縣者皆以爲
例子欽齊乘康海武功志獨能參
用古法爲史家所重然使簡而不
得其要固不若詳者之足資考証
也嘉興之有志作于宋成于元至

明凡三修文益加詳矣然猶未足
為美備我

朝

列聖相承重熙累洽混同天下惟壹之虞

中和郡縣之政教人才無不度越

前代則郡志之作斷非宋元明所

能及康熙十一年袁太守國梓修

之六十年吳太守永芳重修迄今
周八甲矣長白伊太守來守是郡
懼舊聞之放失重加纂輯閱一載
而書成卷帙倍于前志是非前人
陋而後人詳也前人質而後人文
也蓋自百餘年來沐浴聞道若余
皇化日盛月新凡典章文物之修明至

累朝德澤之所在何以宣揚而闡發哉余

此而大備使仍簡而不文則

觀其作書體例有三善焉一在經
界之明析嘉靖趙志作方畫簡而
有法倣其意爲之疆域之廣袤水
利之隄防展卷瞭如此合乎夾漈
圖譜之學也一在金石之著錄至

元志所載碑碣搜羅獨富吳任臣
作十國春秋藉以証據今悉存其
目甄錄其文此合乎輿地碑目之
例也一在采錄之詳出處舊志引
用不詳所自使閱者無可考見宋
元明來著作家往往而是乃廣爲
搜錄一事一文必載本書杜撰勦

襲之病庶幾可免此合乎古人實
事求是之道也其他各門亦具體
要則是志之足重不在于詳哉然
余更有說焉凡一府數百里中政
教之得失風化之漸被奢儉趨向
之殊致作于上者下輒應發于邇
者遠輒至日異而歲不同此其要

在乎守令之得人也今

聖天子布化于上賢太守承流于下將
使民康物阜時和年豐養其源使
之不竭培其本使之不顛治化隆
而民生厚庶幾此志非託空言余
願與守令諸君子共勉之

兵部侍郎兼都察院右副都御史

浙江巡撫揚州阮元序

幅稽嶽

飄煥皆令滿晉館共煥之亦其體

而此主與寂幾書志非語空言余

之不識辭其本圖之不願辭外劉

對其氣味阜部江平豐養其賦對

天子命外于士賀水守承齋于不潔

亦平安命之縣人出令以此其



嘉興府志序

志者史之餘也國有史固藉一代
之宗工領其事郡邑有志尤賴一
時之巨手總其成誠使採錄必周
鑒裁有法以勒爲全書則志之所
繫與史等今年春余奉
命按浙適吾世好耐園太守以新撰嘉

興府志見示而問序于余蓋志以
去年秋鉞竣其修志之端委吾中
丞以暨各臺之述備矣余尚何言
雖然請言志之大畧可乎今夫嘉
興志沿自宋元明自入
本朝一再修於康熙辛酉庚子嗣後
失修者八十年而我

國家撫有區宇大澤漸涵蹈德咏仁
羣游熙皞嘉興雖片壤哉然百餘
年來

上之湛恩醲化勿勝書也下之閎猷

行勿勝書也則所以薈萃綜核於

以揚

聖治闡民風胥於志乎是賴而抑有進

焉者原夫甄綜撰次存乎學而興
廢懲勸關乎政今吾觀耐園之志
則非徒見紀載之長實可以想設
施之善葢蒞疆域則知所以撫綏
者焉稽戶口則見所以保聚者焉
農桑必資勸課學校端在振興一
切城隍橋梁與夫倉儲漕運郵傳

鹽法水利海防諸大務靡不本綢繆孔固之心經營盡善之道有以貫攝乎其間而爲之所而後筆之書者皆可以得其政績之所存而非僅區區備掌故已也然而其書則固典而核辨而婉博而不煩志也而一以史法行之昔施武子志

會稽陸務觀嘆爲氣雄文雅斯志
胡多讓焉抑余少時以先大夫
司馬寧波嘗省侍過浙道經烟雨
樓而登眺焉蓋是郡之形勝在余
心目間久矣今而適會斯志之成
尤一展卷而悠然有觸也掛名簡
端余所竊幸是爲序

嘉慶六年辛酉歲季秋月

浙江等處提刑按察使司按察使
今陞貴州等處承宣布政使司布
政使三韓百齡撰

興也嘉興為浙江名郡川原沃衍
地居津要其中浙役之繁風土人
文之秀偉甲於吳會洪惟我

會稽陸務觀嘆為氣雄文雅斯志

胡多讓為抑余館時以先大夫

司馬寧波省書過浙道經桐廬

延對三韓百舖圖郡之形勝在余

負地善與永宜亦如對同亦

遠對照察對同對察對

辛酉歲季秋月

道文公喜與詩志

重修嘉興府志

志與史異名而同義周禮地官誦
訓掌道方志春官外史掌四方之
志卽今直省通志府州縣志之權
輿也嘉興爲浙西名郡川原沃衍
地居津要其中賦役之繁風土人
文之秀偉甲於吳會洪惟我

國家

聖聖相承重熙累洽東南尺土盡繫

宸衷矧自

聖祖仁皇帝暨

高宗純皇帝先後

翠華六幸

省方行慶申錫無疆嘉興為入境首程

醲化覃敷最先霑被而一時政治之懋
風化之淳往往喜溢

天顏發爲

睿藻允宜敬摩敬纂弁諸乘簡之端俾奕

禩臣民永欽

謨訓以誌一方之幸於無窮也則郡志之

宜修久矣雖然志亦史之一體也

史多紀人志多紀地非兼才學識
三長則詳略失宜不足以信今而
傳後嘉興之有志勦於宋聞人伯
紀纂於關表卿成於元之郡博徐
碩在明凡三修柳邦用屬林緝熙
重梓後趙氏沈氏繼輯之要皆優
劣各殊未臻完粹康熙十一年

詔天下增輯通志而府州縣志亦以次成
書嘉興自康熙辛酉以迄庚子一
修於郡守袁公國梓再修於吳公
永芳非不體例嚴明上掩前代然
距今垂八十年之久其間

恩綸所錫

宸翰所頒與夫民風土俗之沿革官師人

物之畱遺均未備著於編謂非守
土者之責歟長白伊公耐園守郡
之三載政成民洽爰於公暇哀集
舊聞延訪耆宿缺者補之冗者汰
之譌者正之混者析之爲門四十
爲卷八十其要在乎首列

天章

巡典而歷年欽奉

諭旨卽隨其事而分纂於各門則

盛朝之所以仁壽斯民者於以大備良

由下車以來祇以宣

上恩德爲急務而於國計民生蓋有見乎

其大也豈特爲一郡徵文獻備掌

故已哉書成問序於余余惟耐園

之才之學之識胥於是志覘之而
竊以爲闡幽訂墜深有合乎誦訓
外史之遺者特其爲政之餘緒焉
耳由是而理行卓然爲

聖天子所倚重其於邦國之制曰安擾
曰建保吾知匪異人任也耐園其
勉之矣時

嘉慶六年歲次辛酉仲春月

賜進士出身浙江等處承宣布政使司

布政使南豐劉斌謹序

圖

江

浙

之才之學之識有於是志觀之

稿以為闡幽訂館

外史之遺者特書為政之餘

耳由是而

圖

延與南豐

長世

六年

嘉興府志序

嘉興府志序

禾郡之有志創於宋成于元大備
於明宋志不可得見馬端臨評其
草草其缺略可知元志僅有鈔本
流傳尙爲完善以不載官師經籍
亦不得謂之詳備至明凡三修然
柳志增訂徐碩之本而鄒氏卽補

其缺劉志取材堯中所輯而後人
更病其踈惟甬江圖記詳簡有法
其人又不爲賢士大夫所重志書
之不易作固若斯哉

國朝自定鼎以來統一區宇德化翔洽
超軼前代康熙十七年先曾大父
來守禾郡政治之暇哀集歷朝郡

志及化邑志乘并采錄前明神宗

志及七邑志乘并采錄前明神宗
以來事迹參互考訂定爲一書其
於民生之利弊田賦之多寡政事
之得失反覆推勘不遺餘力不獨
備掌故紀風土已也書成於康熙
辛酉閱四十年郡守吳公永芳重
爲修輯自此而後缺焉不備其間

豈無一二賢太守畱心及此而卒
不遑從事者誠以國計民生之所
在典章文物之所歸體大物博固
不能造次有成也嘉慶元年長白
伊公自括蒼移守嘉禾甫下車卽
訪問民間疾苦而以整風俗興教
化爲急務數年之間政通人和治

臻上理乃慨然於郡志之久佚也
網羅遺籍博採舊聞親爲釐定而
于民生田賦政事之所係尤三致
意焉其力專故其文粹其政舉故
其說長坐言起行燦然具備不期
年而告成夫禾郡爲先曾大父遺
愛之邦郡志實所手定今余又幸

承乏茲土不惟樂得賢太守教養
斯民導揚善氣而尤樂此邦文獻
日盛而月新也且以先人政事文
章傳諸循吏不朽之業共訂千秋
則是書之觀成豈獨禾中賢士大
夫之幸哉況所成書其詳數倍於
前雖使馬氏見之當不病其簡至

於紀載謹嚴動關風教反澆漓而
爲淳樸轉罷敝而卽安恬成效所
臻度越前軌庶以昭

聖世重熙累洽之盛治而亦以諗來者
於無窮也爰拜手而爲之序

嘉慶五年歲次庚申仲夏之吉

中憲大夫杭嘉湖海防兵備道華

亭哀秉直撰

嘉慶五平... 領申... 夏... 吉

伏無竄... 天... 書... 而... 為... 之... 哀... 事...

聖世... 聖... 累... 益... 圖... 而... 衣... 以... 翁... 來... 皆

擬... 與... 越... 前... 博... 漁... 以... 匪... 不... 山... 其... 子... 大

為... 尊... 對... 轉... 器... 漸... 漸... 而... 唱... 文... 計... 效... 效... 而

伏... 際... 輝... 蕪... 孰... 頓... 闌... 風... 燦... 又... 壽... 節... 而

嘉興府志序

嘉興郡守伊君輯郡志成丐序於
余序曰嘉興故雄郡北控長洲南
脅臨安閩吳興而扼巨海蓋兩浙
一門戶也其地人物蕃廡川原浩
衍商賈之所輳百貨之所聚稌稷
之美魚蟹蠃蛤之利甲他郡其俗

敦禮讓說詩書自唐宋及今人材
輩出見於史冊者不可勝紀可謂
盛矣志一修於康熙壬戌雲間袁
守再修於辛丑三韓吳守閱今已
八十年雖建置沿革城池形勢無
所更易而戶口田賦官師科第以
次漸闕闕而弗增非所以重文獻

也周禮職方氏掌天下之圖辨其

也周禮職方氏掌天下之圖辨其
人民財用穀畜之數以周知利害
而大司徒掌邦之土地別其名物
佐王安擾邦國又有土訓誦訓之
官春官小史外史復掌邦國四方
之志自後班固有地理志司馬彪
有郡國志此方輿之記所濫觴也

晉宋以降如唐李吉甫元和郡縣志宋樂史太平寰宇記王存九域志等書著於經籍者甚衆曩官京師方

圖

詔修

江

大清一統志余與於編纂之役適得浙江大府薈粹十一郡志書詣送

志館淄澠互見比者代匱監司每
按部嘉禾與其鄉之士大夫討論
及此而伊君來典斯郡克成是書
蓋由我

圖

國家承平百數十年蠲復之

詔屢下省繇賦勸農桑休養無事生息
理極浙西泳沫膏澤年穀數登萬

物熙熙靡不各得其所是以伊君
於此得從容治理而郡志之成適
際其盛詎不美哉余奉

命移官湖南旋將去浙而是書之輯余
實引歸安吳蘭庭佐其役蘭庭多
讀書能講求史法宜其簡慎詳覈
相與有成無戾乎前人志乘之體

而非他郡縣志所可比也是爲序
浙江等處提刑按察使司按察使
今調湖南等處提刑按察使司按
察使無錫秦瀛撰

浙江

浙江圖書館

序

寰宇之內各郡縣之有志所以正
疆域紀政治表賢達識文物羅品
類貫通古今垂示久遠也吾郡嘉
興介在江南浙西道中追考前代
屬蘇州分置秀州改嘉禾郡升嘉
興府兼轄松江明初置浙江等處

承宣布政使司統轄浙西東而嘉
興領各縣始與蘇松畫界扼浙江
行省之門戶襟帶江海障以山岡
中間湖蕩陂塘浸淫匯注連絡亘
錯農桑沃衍財賦輸將風尚儒雅
近文章厲廉隅首藩名郡固宜時
加記載自明以來賢郡守如柳公

雨邦用趙公瀛劉公應鈞各志皆罕
傳華六幸入德首登

國朝康熙辛酉袁公國梓所修亦不易
得辛丑吳公承芳志猶存殘本此
後闕如垂八十年矣我

朝重熙累洽教養羣黎德洋恩普郡士
民沐浴薰陶無不循守身之矩矱

各勤厥事土物心臧四方稱美名
人輩出泮宮俎豆惟先賢陸清獻
公得與餘凡公卿名德文學勝流
常不乏焉欽惟

高宗純皇帝法
祖時巡翠華六幸入浙首程必
登烟雨樓一舒賞覽叠煥

雲章

詔旨下頽蠲漕賜帑捍海增塘

召試羣英定有蒙甄錄者

膏澤優渥不能悉數尤不可不敬謹登載

何因循未遑也茲得郡尊耐園伊
公湯安來涖五載心清政平時和
歲稔旣葺學宮興講院濬城河以

及普濟堂育嬰堂漏澤園諸善政
具舉爰有事於府志飭屬令各遴
其邑之士分纂成冊乃設局鴛湖
書院羣襄合纂參稽互証漸次成
書以稿上 大中丞阮公鑒定乃
詳校鈔版屬余亦爲序余老耄觀
其大槩紀

盛典列衆門凡志書所宜有者近事旣無

不備且搜古碑補遺闕釐訂之功

倍昭勤慎公今已膺卓剡行將入

覲

楓宸必蒙

汪

圖

眷倚超擢勲業宏敷未可量吾郡得此

大編俾後來者撫梨棗而詠甘棠

之績玩詩篇以思風雅之材洵足
爲立功立言之不朽者矣當體例
初定時公辱訪於余暨余長子鴻
臚卿應樞偕沈青齋觀察共爲商
權應樞侍養之餘力疾披閱頗有
討論今書已告成而俯仰間余忽
抱喪子之痛衰頹日甚然準理含

情不可無一言以頌當途修訂之
盛舉也爰書以為序

賜進士出身

誥封中憲大夫鴻臚寺卿前掌山東道

監察御史

敕授儒林郎翰林院編修加一級治世

弟桐鄉馮浩拜撰

卷五

五



浙江圖書館

嘉興府志卷五

嘉興府志銜名

鑒定

督侍郎兼都察院右副御史巡撫

浙江等處地方提督軍務兼理糧餉

加

級

阮元

江蘇儀徵人
乾隆己酉進士

總理

嘉興府

知

府伊湯安

滿洲正白旗人
辛卯舉人

分理

嘉興府通判署平湖縣事譚大經

廣東新會人
乙未進士

嘉興縣

知

縣司能任

山西汾陽人
己酉拔貢

秀水縣

知

縣游朝佐

江西樂安人
丙午舉人

嘉善縣

知

縣萬相賓

江西德化人
丙午舉人

海鹽縣知縣任澤和

河南息縣人
已酉進士

平湖縣知縣李賡芸

江蘇太倉州人
庚戌進士

石門縣知縣方維翰

順天大興人
監生

桐鄉縣知書縣李廷輝

安徽合肥人
癸卯舉人

署海鹽縣事桐廬縣丞葉世華

順天宛平人
監生

總纂

原任鴻臚寺卿馮應榴

桐鄉人
辛巳進士

原任山東全省運河兵備道沈啓震

桐鄉人
庚辰舉人

分纂

原任山西廣靈縣知縣朱休度

秀水人
癸酉舉人

原任海鹽縣訓導候補教諭屠本仁

桐鄉人

原任山西廣靈縣知縣朱休度
秀水人
癸酉舉人

原任臨海縣訓導候補教諭屠本仁
桐鄉人
己酉舉人

甲午科舉人吳蘭庭
歸安人

戊午科舉館人錢棫
嘉興人

庚申科舉人朱為弼
平湖人

廩貢生候補訓導戴堯垣
嘉興人

歲貢生吳東發
海鹽人

優貢生吳曾貫
石門人

廩膳生孫鳳起
嘉善人

廩膳生楊蟠
嘉興人

廩膳生丁子復
嘉興人

浙江圖書

嘉興府訓導倪紹岳

餘姚人
廩貢

嘉興縣教諭車向榮

仁和人
庚寅舉人

嘉興縣訓導李承烈

鄞縣人
廩貢

秀水縣教諭丁元采

歸安人
丁酉舉人

校勘

秀水縣訓導胡舉

餘姚人
己亥舉人

嘉善縣訓導倪象占

象山人
庚子優貢

平湖縣教諭何文蕙

山陰人
辛卯舉人

石門縣教諭柳超

山陰人
己亥舉人

桐鄉縣教諭殷立梧

錢塘人
丁酉舉人

嘉興府志總目

校刊

生

廩

膳

員鮑廷博

生朱文藻

安徽歙縣人

仁和人

浙江圖書館

嘉興府志總目

嘉興府志總目

卷首一

天章

卷首二

天章

卷首三

巡典

卷二

圖說

星野

浙江圖書館

卷五
系

皇卷二

建置

卷三

疆域
形勝附

卷四

城池
坊巷市鎮附

卷五

天橋梁

卷六

公署志縣目

浙江圖書館

卷七

公署二六

古卷八

學校一

書院義學附

古卷九

學校二

書院義學附

山卷十

壇廟一

祠祀附

山卷十一

壇廟二

祠祀附

浙江圖書館

壘卷十二

山川十一

雜卷十三

山川五

學卷十四

古蹟六

學卷十五

古蹟云 園宅

卷十六

坊表

浙江圖書館

卷十七

冢墓

卷十八

寺觀二十五

卷十九

寺觀二十四

卷二十

戶口二十三

卷二十一

田賦二十二

浙江圖書館

田卷三十二

田賦二十一

卷二十三

蠲卹二十

卷二十四

蠲卹二 普濟堂同善會育嬰堂養濟院漏澤園附

卷二十五

倉儲十八

卷二十六

漕運十八

浙江圖書館

卷二十七

鹽法二十六

卷二十八

郵傳三十五

風卷二十九

水利三十四

卷三十

海塘三十三

卷三十一

武備
海防附

浙江圖書館

五卷三十二

農桑三十一

雜卷二十三

物產三十

水卷三十四

風俗二十六

漕卷三十五

祥異二十八

鹽卷三十六

官師二十九

浙江圖書館

卷三十七

官師二

卷三十八

官師三

卷三十九

官師四

卷四十

官師五

卷四十一

官師六

浙江圖書館

官卷四十二

名宦四十一

官卷四十三

名宦四十

官卷四十四

選舉三十六

官卷四十五

選舉三十八

官卷四十六

選舉三十九

浙江圖書館

卷四十七

選舉四

卷四十八

選舉五

卷四十九

選舉六

卷五十

列傳一

嘉興

卷五十一

列傳二

嘉興

浙江圖書館

嘉身月記
續目

卷五十二

列傳三 秀水

卷五十三

列傳四 秀水

卷五十四

列傳五 嘉善

卷五十五

列傳六 嘉善

卷五十六

列傳七 海鹽

浙江圖書館

卷五十七

六

卷五十七

列傳八 海鹽

卷五十八

列傳九 平湖

卷五十九

列傳十 平湖

卷六十

列傳十一 石門

卷六十一

列傳十二 桐鄉

浙江圖書館

卷六十二

列傳十三 方外

卷六十三

列女傳一

卷六十四

列女傳二

卷六十五

列女傳三

卷六十六

列女傳四

浙江圖書館

列女傳四
卷六十七

列女傳五

卷六十八

列女傳六

卷六十九

列女傳七

卷七十

列女傳八

卷七十一

列女傳九

浙江圖書館

列女傳十

卷七十二

經籍一

卷七十三

經籍二

藝文一

卷七十四

藝文二

卷七十五

藝文三

卷七十六

浙江圖書館

藝文三

藝文三

卷七十七

藝文四

卷七十八

金石

卷七十九

叢譚

卷八十

舊志敘錄

嘉興府志自康熙五十九年修葺迄今已八十載

浙江圖書館

重熙累洽日新月盛是用博稽載籍參諸采訪舊事遺聞悉歸

徵信兼以補遺訂誤備一方之文獻

卷首恭錄

天章尊

謨訓也恭紀

巡典泳

膏澤也洪維

昭代

列聖相承

義畫

浙江圖書館

善文兩羅每字嘉興地稱名勝

堯文炳耀海宇嘉興地稱名勝

翠華屢幸仰邀

宸咏而且世族舊臣多蒙

頒賜祕書名畫時荷

款題又如

省方布澤而嘉興爲

幸浙首程霑被尤先敬繹

綸言用誌頌揚於萬一其餘欽奉

諭旨訓行奕禩者均於各門敬謹分載

前志自吳越分境至明宣德析縣各有圖以著沿革顧

浙江圖書館

皆揣方度向或頗參錯不合茲祇遵

皇輿圖按里開方一府七縣瞭如指掌以今揆古自有同符

大營暨煙雨樓

駐蹕

書

宸遊之所俱當敬謹摹繪以顯

圖

日月之光華海洋海塘二者於嘉興特重今雖各立專門而圖

列於前覽者更可得其樞要

宋人舊志首列星野次以建置此一定之序也嘉興建

置前志頗多沿誤今謹遵

皇輿表

大清一統志參以各史地理志及元和郡縣志者皆書不各條

大清一統志參以各史地理志及元和郡縣志諸書逐條核
正統析有考沿革有表全志綱領具在於是

建置定而疆域形勝城池坊巷市鎮橋梁俱可以次類
敘今參覈至元以下諸志旁引他書分門臚列加以考
證凡境內廣輪遠近之數無不了然矣

公署學校爲政治教化所從出皆當備述興建始末以
肅觀瞻以勸絃誦前志於公署附署中古蹟於學校附
書院社學比類各宜並從其舊

壇廟載在祀典例得備書其有舊建專祠功德昭著實
堪俎豆者自應附及前志於祠祀但分有無祀典而七

城內外叢祠野廟多所闌入未免詭誕不經今第存其
著者

府境本無名山大川然濱海之地岡巒縣亘實資屏障
又素稱澤國川原錯互經流支港不可勝數今考證舊
聞而標其名勝至於灌溉蓄洩隄防之法則別具水利
志此以載其體彼以詳其用宋人舊志分山川水利爲
二門例本如此

古城臺閣連類比錄長安志例也園林第宅分門別載
吳郡志例也今參而用之統爲古蹟園宅仍從附列以
後來興構礙難稱古耳坊表冢墓寺觀亦古蹟之分著

者水經注多牽連而書今各爲一門以類相次

者水經注多牽連而書今各爲一門以類相次

戶口繁耗治本所繫嘉興自唐迄明志籍可考者並載其槩我

朝康熙五十二年欽奉

恩詔續增人丁永不加賦尤曠古所未有今備登滋生之數以

見

聖世休養生息之盛

任土作貢古有常經而田賦一類條目繁多宜衷簡要用便鉤稽附以嵌田則嘉興秀水嘉善三縣之舊事所當兼及者我

朝減浮額免正賦蠲卹

殊恩自宜大書特書昭垂永戴至如養濟院普濟堂之屬鄉閭

善舉亦以推廣

皇仁茲用附書於末

書

食貨爲民生大計前志以倉廩附城池綴合無當而常
平倉又附便民倉下規制闕略今特立倉儲一門廣積
貯以備荒此爲最重至於轉輸輓運之宜則詳考漕政
全書別纂爲篇以著興利除弊之大要

鹽政與田賦有別前志併爲一門又僅載課額若干凡
海蕩弓畝歷代經制及

國朝優商卹丁諸善政一槩闕如今備採兩浙離志之有關

國朝優商卹丁諸善政一槩闕如今備採兩浙鹺志之有關
於嘉興者逐條列載而立法之盡善亦可參互而得之
矣

館

郵傳之設首在嚴禁騷擾凡馬匹船隻夫役諸利弊備
有成憲故牘可稽茲爲特立一門以補前志之略

水利海塘舊併一門今爲分列凡開濬河渠修築隄堰
之事備具水利至於築塘捍海諸法前明海鹽圖經言
之詳矣百數十年來石塘土塘以次修築今海鹽平湖
二縣永慶安瀾其因地制宜永資保護者自當詳著海
塘篇中以備採擇

兵政海防各具源委凡營汛等制七縣所同者具詳武備而海鹽平湖防海事宜尤所特重

國朝於乍浦特設駐防八旗勁旅屹然巨鎮所當增入其切要規畫悉爲登載於篇

農桑物產要皆因其土宜風俗祥異亦多驗諸人事豐耗登替時有不齊觀風者可於此覘得失焉

官師表祇載郡守以下不及統轄大僚以符體制而紀名宦則節鎮監司亦兼及之甘棠遺愛民不能忘也宋人舊志曰宦績錄其立朝本末不備載以別於列傳體耳

選舉姓名具列於表其六事蹟著爲列傳並做諸史之例

選舉姓名俱列於表其事蹟著爲列傳並倣諸史之例別立孝義文苑隱逸藝術流寓等目而方外附諸其後綜述生平悉有依據無濫無遺視前志加審焉

列傳論定必在身後列女中惟以貞節經

朝廷旌表者不分存歿俱著於篇其有身處窮約無力闡揚而風烈卓然衆所共信亦兼錄以彰苦節

鄉賢著述見於史志及各家書目者分經史子集四部採入而題詠投贈之作簿錄所著並皆登載近時著述曾經刊刻傳抄已有定本行世乃得收入惟其人見存者不錄

前入詩文序記業已散附各門而藝文總志則諸體略備凡槩稱茲土無所附麗者量爲收入惟採擇必精庶不嫌於蕪累

金石文字足資考證嘉興見存之碑碣唐以前者絕少宋元遺蹟亦已珍同珪璧今甄而錄之若其文已見他門者不復贅餘或槩存其目莆陽鄭氏之略亦其例也雜說短牘不無可採各門所不及備者刺取而條繫之是爲叢譚要必軼事遺聞有關風教者綴於簡後

舊志自張元成嘉禾志以下纂修本末悉爲敘錄並取各縣舊志考列於後卽偏隅紀載如澈浦乍浦志之類

亦得附書

地志引書始於潛說友而秀水朱氏日下舊聞亦用其
例今依此爲法凡採錄正史舊志以及前賢詩文集悉
本原文於各條下注明所出惟列傳略加櫟括則曰參
用某書要無失古人之本意其餘或據公牘或採鄉評
已經考核得實則以新纂別之其或折衷羣說歸於一
是特標案語以期傳信

本書引用府志明有柳志鄒志趙圖記劉志

國朝有袁志吳志各縣則嘉興湯志秀水黃志之類皆人所
習稱今卽因之蓋亦自來府縣志之通例卽如文獻通

考所載宋人地志他書引用者多稱談鑰吳興施宿會稽洪遵東陽羅願新安不盡如乾道建康咸淳臨安之繫以年號也本書有舊志敘錄其時代源流業皆詳載覽者可考而知各門引用小注無庸疊見以省繁文

浙江圖

嘉興府志總目

嘉興府志卷首一

天章一

聖祖仁皇帝御製詩

入平望

并序

康熙二十八年

館

平望為浙江界長吏以畫舫五百來迎恐勞民力卻之不

御

圖

錦纜無勞列綵艫輕橈自愛倚船窗勤民不憚周行遠早又
觀風向浙江

浙

禾中道上

兩岸人家半種桑雨中入望盡蒼茫民間本業惟農織愛看

山邨共水鄉

賜高士奇 康熙三十七年

廿年載筆近螭頭心慕江湖難再畱忽憶當時論左國依稀

又是十三秋

浙省道上書懷 康熙三十八年

徧野農桑繞翠旌畦邊童叟帶雲耕江山盡是昇平日寸晷

難忘終始情

桑林乍綠蠶事方興詩以嘉之

彌望桑林吐葉垂枝嫩碧初勻竹舍正殷蠶務天工雨露維

均

曉發嘉興

曉發嘉興

數里城依水千門路向田
菜塍無近遠桑岸互繚連
土沃勤爲最年豐儉欲先
雲開林野秀初日上行旃

聖祖仁皇帝御製文

桑賦

并序

康熙三十八年

朕巡省浙西桑林被野天下絲縷之供皆在東南而蠶桑之盛惟此一區近在宮中刻爲耕織圖每示司牧使知其艱苦今更爲賦以託意焉

伊彼條桑其葉始萑春日載陽綠陰乃披紫陌上兮嫋嫋綺岸側兮垂垂來璧旭之晨照受風光之午吹影映帶兮青翰

色彷彿兮翠旗旣扶疎而相亞復低昂而參差念蠶事之欲
動正芳候之如期聿茲女紅生計是賴采采盈筐慎加覆蓋
虞日煦之少潤防雨頌之爲害儻薄蘆之不繼時憂心之旃
旆虔餉食之維勤勞形神於塵璫摘曉露之輕滋乘良月之
新蒼望千畝之閒閒實蠶家之宏賚誠黼黻之必資繫袞職
之用大其重等於苗稼爲王政之不外予恆恐其難知作深
宮之圖繪至於厥貢著於尙書沃若咏於篇什公室見說於
禮經牆下屢申於孟集試古訓之歷稽又民務之應急若乃
訝爲神木騁以青華末照是晞甘樾如瓜馴雉表異黃鳥稱
嘉雖景物之堪娛咸無關於大家夫其詫幢幢之高蓋美亭

亭之奇樹靈根依倚於十洲巨蹟遂闢於周宇類齊訃之世凡

亭之奇樹靈根依倚於十洲巨蹟遂闢於周宇類齊諧之荒
唐皆予今日之所不取也聊因清晏簡牘是書用示遠邇是
漑是鋤共知愛護種繞其廬蠶桑農務安寶璠璣

聖祖仁皇帝御書

賜少詹事高士奇扁

康熙二十八年

竹窗

賜詹事高士奇扁

康熙三十六年

清吟堂

賜致仕禮部尚書杜臻扁

康熙三十七年

煙霞耆舊

賜內閣學士徐嘉炎扁聯

康熙三十八年

直西清

樹影不隨明月去

溪聲長送落花來

賜吏部右侍郎彭孫適扁

康熙三十八年

松桂堂

賜詹事高士奇扁

忠孝節義

賜副都御史吳涵扁

風霜之任

浙江圖書館

賜詹事高士奇聯 康熙四十年

賜詹事高士奇聯

康熙四十年

忠為表孝為裏

言有物行有恆

賜詹事高士奇扁聯

康熙四十一年

文詞瞻蔚

五言淩白雪

六翻向青雲

賜內閣學士曹鑑倫扁聯

錫類堂

檢點未形過

浙江圖書館

嘉興府志
卷一
力求將放心

賜刑部侍郎吳涵扁

慎行堂

賜禮部侍郎兼翰林院學士高士奇扁

康熙四十二年

萊衣畫錦

賜化城寺僧元璟扁

棲心寺

賜檢討朱彝尊扁

康熙四十四年

研經博物

賜已故禮部尚書杜臻扁

館

圖

汪

浙

眷懷舊德

賜編修高輿聯

勉學承先志

存誠報國恩

賜懶石庵僧超述扁

香巖寺

賜圓明庵僧本沖扁聯

性覺寺

淨域長齡

片石孤雲窺色相

浙江圖書館

嘉興府志 卷一
清池皓月照禪心

賜福善寺僧成衡扁 康熙六十年

香海寺

以上扁聯

賜內閣學士徐嘉炎 康熙三十三年

臨蘇軾書陶淵明詩幅

賜禮部尚書杜臻 康熙三十七年

臨米芾好懶難辭友詩幅

賜詹事高士奇 康熙三十八年

御製再過鷲峰詩幅

愛此清幽一徑深馬隨泉響入雲林蒼苔古洞何人鑿脈脈

浙 江 圖 書 館

愛此清幽一徑深
馬隨泉響入雲林
蒼苔古洞何人鑿
脈脈韶光自賞心

賜內閣學士徐嘉炎
康熙三十八年

張旭隱隱飛橋隔
野煙詩幅

賜少詹事曹鑑倫
康熙三十九年

老樹成雙便作扉
山光晃晃耀人衣
西村有叟入城去
倩喚

借書童子歸

賜禮部尙書杜臻
康熙四十二年

顧愷之春水滿泗澤
詩幅

王維曲江絲柳變煙條
詩幅

李愷御柳遙隨仙仗發詩幅

臨蘇軾集陶潛歸去來辭詩卷

賜禮部侍郎兼翰林院學士高士奇

康熙四十二年

千字文卷

御跋卷後

書圖

米芾書原無千字文朕自幼臨摹深知沈著痛快處令人起敬所以集成兩部此一部乃是小字其中無字者朕書補之雖不能彷彿古人用筆亦知朕好書之意也癸未春南巡禮部侍郎高士奇終養在籍以色笑養母萊衣自歡當年講筵時精神少壯畱心翰墨嘗進春秋講義夜分不寐今見齒落

髮自二十一年間光陰之速以至如此朕甚憐之故丹書萊衣

髮白三十年間光陰之速以至如此朕甚憐之故丹書萊衣
畫錦扁額並千字文賜之以記不忘舊臣之意云爾

賜石門縣知縣張廷采

唐人門嚴九重靜詩幅

謹案

御書五言絕句一首張廷采恭摹勒石於迎薰館

賜內閣學士曹鑑倫

御製南巡焦山作詩扇

風帆戰艦入沙洲不動雲煙一豫遊只見晴光安水面潮聲

靜裏卷潭湫

賜棲心寺僧元璟

康熙四十二年

御製製硯說卷

盛京之東砥石山麓有石礪礪質堅而溫色綠而瑩文理燦然握之則潤液欲滴有取作礪具者朕見之以爲此良硯材也命工度其小大方圓悉準古式製硯若干方磨礪糜試之遠勝綠端卽舊坑諸名產亦弗能出其右爰裝以錦匣臚之斐几俾日親文墨寒山磊石洵厚幸矣顧天地之生材甚夥未必盡見收於世若此石終埋歿於荒煙蔓草而不一遇豈不大可惜哉朕御極以來恆念山林藪澤必有隱伏沈淪之士屢詔徵求多方甄錄用期野無遺佚庶愜愛育人才之意於製硯成而適有會也故濡筆爲之說壬午冬嘉平月朔書

賜性覺寺 康熙四十四年

金字心經冊

賜內閣中書吳之振

臨董其昌夜雨連朝春水生詩幅

謹案

御書七言絕句一首吳之振恭摹勒石於黃葉村莊

賜平湖縣知縣董天眷 康熙四十四年

唐人坐酌泠泠水詩幅

賜桐鄉縣知縣劉鎰

朱子絕壑雲浮冉冉詩幅

謹案

御書朱子六言絕句一首劉鎰恭摹勒石於桐鄉縣學

嘉興府志

卷首一

天章一

八

浙江圖書館

太製視成而適有會也故濡筆為之說壬午冬嘉平月朔書

賜香海寺僧成衡 康熙六十年

唐人遠公遁蹟廬山岑詩扇

宋人梅雪爭春未肯降詩幅

以上卷幅扇冊

世宗憲皇帝御書

賜河南按察使陳世倅之父溫州府教授陳訐扁 雍正九年

松柏堂

賜金粟寺聯 雍正十一年

不佛求不法求不僧伽求早已過去

無我相無人相無衆生相卻是未來

浙江圖書館

賜報忠寺扁

雍正十二年

覺海寺

高宗純皇帝御製詩

題趙孟頫水村圖手卷

乾隆四年

屈子卜居後潭邊漁父逢滄浪鼓枻去煙水自重重

題盛懋秋林蕭散圖

佳蔭之下鋪芳蘅是何處兮日蓬瀛青鸞白鶴兩不藉飄飄

旬五御風行

題吳鎮清溪垂釣圖

乾隆五年

一江春水如油綠滿目春山看不足春水春山共我三南華

無我相無人相無衆生相御是未來

二篇不須讀渟淵清泚猶堪掬聊把絲竿寄幽躅扁舟不繫
任去來誰與為羣鷗鷺驚頗知水清本無魚亦令人識求緣
木

題元四大家畫幅合璧

書

吳仲圭寒溪略約

圖

溪邨待渡無輕舟略約支波當人腳寒煙漠漠野塘秋似有
行人隔叢薄漁兒一棹破滄浪短笛無腔隨意樂紛紛名利
付青雲愛此蕭閒興所託

浙

聞浙省今年蠶繅甚盛喜而有作

乾隆七年

重穀心殷並重桑繅簷甚陌厘籌量星輝天駟徵殊瑞聞道

吳晉臨熟倍常

吳蠶熟倍常

咿軋邨齊響緯車松明火燒斗河斜辛勤吳女無閒暇那采
尋常陌上花

東鄰晝靜聽鳴機西舍春深繭更肥盡祝黃姑乞心巧呈來
新樣趁裁衣

浙土從來桑作田宜晴宜雨養蠶天女紅並與農功溥卒歲
常吟七月篇

吳鎮夏山欲雨圖

乾隆九年

夏山欲雨雲先凝晡乍失峰峻嶒幽人杖策獨歸去已溼
綠荷衣上層我時望雨經春半披圖聊慰賦雲漢見說蛟龍

筆底飛

張僧繇善畫龍嘗於安樂寺畫龍二點睛龍即破壁飛去

繪水有聲茲豈但

叶起

視空宇明星爛掩卷無言祇三歎

趙孟堅白描水仙卷

泉白窈以幽澹遠滌氛坳湘妃與洛神是地偕而隱式俯鑑

元水式登歷隱斧彝齋謫仙人結習煙霞近走筆寫丰標脩

然謝鉛粉

題盛懋長江秋艇

乾隆十一年

秋水淨琉璃蒹葭颭古堤忘筌樂魴鯉得意友鳧鷖明月清

風耳蘭槩桂棹兮兩翁相對處應是話夷齊

浙江巡撫常安奏杭州諸府桑間自生蠶繭可取以織綢

名曰天蠶蓋以為瑞也朕謂此范成大詩所謂野蠶可

名曰天蠶蓋以爲瑞也朕謂此范成大詩所謂野蠶可
繅而常安未之知者然不假人力用佐女紅則信乎授
衣之助因紀以詩

吳中蠶事由來備九月授衣常厯意照田然炬想遺俗石湖
樂府風人義野繭可繅換短襦錦繡纂組猶餘事欣聞天蠶
綴野桑以供織紵堅且緻馬頭祭罷有厚佑物產菁華佐衣
被可云人不假其力將無地尙遺其利農桑之計牧臣責底
須豔詡名時瑞

題梅道人洞庭漁隱長幅卽用圖間原韻

木葉微飄秋興生牢騷意與大江橫閒鷗最是忘機者也識

煙波釣叟名

項元汴竹石 乾隆十二年

疎篠依文石天然稱主賓壽星傳古貌玉局是前身 元汴自記寫蘇

長公壽星竹云云 豈向秋而瘦端為靜者倫即看張屋壁个个掃煙

新

項聖謨東籬佳色

白露為霜以後松陰梧影之間 聖謨自記寫於松陰梧影之間 又見幽人古

貌飄然綠鬢蒼顏

項聖謨松濤散仙圖即自題原韻八首 乾隆十三年

天倪參有契逸興引無端壺裏年為日松間夏亦寒依峰開

路空導水入湖寬如柱干雲筆孤登自覺安 聖謨自跋有嘗夢筆立如柱上

路窄導水入湖寬如柱干雲筆孤登自覺安

聖謨自跋有嘗
夢筆立如柱上

有層級予登而據其
毫端鼓掌談笑之語

飛瀑銀披峽迴峰翠倚天無人鎖敲戶有客祇談元妙趣方

招隱佳名號散仙

跋又云丙寅六月畫招隱圖此其第二圖
也自咏詩有偃息松濤一散仙之句因以

命圖

最憐石壁上宛識戊辰年

圖成年月題
卷中石壁上

曹子詩如畫淮王事已塵登仙徒有錄妙筆見斯人道潤何

須藥心閒自合真蓬瀛方寸內不必問蒼津

佳蹟神常足清詩意亦閒坐堪消夏日聊以解愁顏
筍蕨為

供養漁樵自往還枕流碧溪畔常聽夏雲環

分茗童司鈔敲棋僧到門但教適偃仰那復計饗飧
山盡雲

成障溪迴樹作村忘憂應箇裏樹背不須萱

溪山列三品是地果堪居爽籟生前澗濤聲到別廬鶴耽清

夢迴梧鎖碧雲疎謝賦無雙美形容覺有餘

百二十年物

自崇禎戊辰至今
戊辰百二十年矣

光陰轉轂中騁懷聊爾爾入

眼尚濛濛可愛橫暉句一耽故紙風武陵原有路靜者得相

通

山色因心遠泉聲入目涼蕭齋背嘉樹素館倚崇岡結構無

遺憾筌蹄想并忘延平合招隱共入石渠藏

招隱圖舊藏石
渠寶笈今復得

此卷可稱劍
合延津矣

題項聖謨天香書屋圖

小廡詩情老王法黃鶴山樵蕭蕭短幅寫無遺獨饒神契不

小庾詩情老王法黃鶴山樵亦有此圖蕭蕭短幅寫無遺獨饒神契不

言處秋仲臯塗精舍時香山玉華岫育桂最多旁構書屋二間因名曰臯塗精舍

吳鎮墨竹

館

創出垂鉤法飄來寫月枝最是相宜處風前雨後時

偶仿項聖謨松濤散仙卷為小幅輒題其上

隲括長圖意松濤宛散仙飛蘿籠仄澗落葉逐流泉太古無

朱夏一峰凌紫煙何妨苔壁上又識戊辰年聖謨於圖閒石壁上題戊辰年

為是圖今歲又戊辰故云

浙

題元人名繪集錦卷

吳鎮中山圖

與可竹掩畫仲圭畫掩竹倩誰下轉語竹畫豈二物叶醉墨
寫中山淋漓逼眉目度藏戒中涓恆恐自霑潺

入浙江境 乾隆十六年

館

午臨於越曉句吳一水何曾易舳艫爾界此疆人縱別民胞
物與我寧殊敢忘求瘼心常切且喜行程春與俱萬姓尊親
盈蹕路豈辭膏澤以時敷

煙雨樓用韓子祈詩韻

江

春雲欲泮旋濛濛百頃南湖一棹通迴望還迷堤柳綠到來
纔辨榭梅紅不殊圖畫倪黃境真是樓臺煙雨中欲倩李牟
攜鐵笛月明度曲水晶宮

宸翰勒石於煙雨樓下
謹案前詩恭摹

舟過嘉興

徐牽錦纜過嘉禾
隱隱時間欵乃歌
漫入高樓傳八詠
獨欣舊館號三過
油花香入青葱町
毛芷新浮澹池波
夾岸桑林數十里
果然蠶事此邦多

嘉興道中雜咏

從來佳景稱吳越是處佳
因吳越間水以澄渟謀目靜
山惟平遠致心閒

射襄橋下水長流句踐夫
差兩並休只有王涇一彎月
入波影尙學吳鉤

屬鏤賜罷孤忠死覆楚將無報逆施何必胥山畱幸木潮神
自合付鴟夷

在齊遁蹟號陶朱吳越惟聞泛五湖古寺金明稱故里標題

雞汁又誰乎

士希賢聖聖希天日進何曾可止焉兩字齊名誨高弟文公

不離去聲道為詮

山水清華是此方樓臺高下賞煙光西山作記無多許說項

還稱孝友堂

嘉禾百詠景原多豈盡吳興手擘窠會景於中偏厚幸標名

已覺冠其他

舟... 常是... 兩... 兼... 風... 余... 實... 詩... 清... 想... 象... 中... 印... 為... 准... 鑿... 柳... 故... 樹... 米... 宗...

舟行常是雨兼風徐賁詩情想像中卻爲推篷聊散悶米家
畫意說空濛

橋李橋邊憶舊賢子京高致泐溪煙收藏流落人閱世剩有

雕章內府傳

內府所藏明季牙章甚富內有
墨林賞鑒印向命貯之三希堂

青紵旗亭綠渚邊紅雲畫棹盪蘭船鴛鴦湖遞西湖信頓使

軒軒意欲仙

橫塘十里盡桑麻漂絮縲絲共作家舞榭綺羅都出此吳儂

漫笑不栽花

迎鑾男婦兩堤旁鞠脰歡呼翳穉桑嫩綠遙看未抽葉所欣

不致悞蠶忙

經嘉興問蠶事未興因而有作

杭嘉湖三府蠶事最盛者夾岸種女桑彌望無高下時節未
穀雨攤烏尙早也三眠已不悞何虞縑絲寡周禮禁原蠶豈
爲桑與馬利戒不遺餘深意存非假時巡厯農桑勸課及春
社插秧候正遙菜麥早遍野我更何所事拈吟清興惹

題姚綬江南春雨圖

文會飲元同

軒名

倡酬皆雋秀琴樽興瀟灑芝蘭氣芳馥

叶猗

玕韻颯響濃黛拖遙岫頰壁度清風齒簷點餘瀟所期水乳
投豈貴肴饌富傳眞誰所爲逸史雲東綬行滕久相隨展閱
吟情湊今歲江南春雨景我重覲

題姚綬寒林鷓鴣圖用高士奇韻

題姚綬寒林鸚鵡圖用高士奇韻

鴝鵒何曾畏北風

俗云鴝鵒不過淮

雕籠常鎖海棠叢竹窗既有江

湖思底事頻懷玉禁中

用士奇句嘲之

賜題夜紡授經圖

乾隆十七年

索觀錢陳羣香樹集有題其母夜紡授經圖慈孝之意惻

然動人且以見陳羣問學所自來也輒成二絕句題之

篝燈課讀澹安貧義紡經鋤忘苦辛家學白陽諳繪事成圖

底事待他人

陳羣母陳氏善畫

五鼎兒誠慰母貧吟詩不覺鼻含辛嘉禾欲續賢媛傳不愧

當年畫荻人

賜錢陳羣歸里時陳羣有反穀之疾詩以寬其意

三尸素所滅二豎胡為作予告遂頤和還鄉願如約

浙江嘉禾長水

塘俗名還鄉水 陛辭意懇款請詩應允諾憐汝身日羸壯汝神猶鑠

達生有至論庸醫無大藥辟穀方赤松先難後原樂

錢陳羣養痾歸里進途中所作詩因用其會錦春園和杜

韻詩率題書賜

北海惟客待

錢陳羣詩因孔傳

杜陵詎身謀勝會開名園新

詩步秦州猶記陛辭時流火方新秋何事大江北闕尋谿壑

幽齋痾許謝莊遁跡非田疇故鄉山水佳藥餌頗易求頤攝

冀良愈待泛還朝舟江頭有錦春何妨一命遊几杖兒孫侍

博核賓從稠江湖信可樂廊廟豈忘憂遲遲有深意欲邁還

樽核賓從稠江湖信可樂廊廟豈忘憂遲遲有深意欲邁還
停收況彼五畝閒卷阿我曾畱卽是矢音地扈賡憶從頭詩
筒附奏箋翰院傳風流故知解脫心疾等浮雲浮從茲一葦
南遙望心與悠

題金粟牋

蔡左徒曾紀傳聞晉唐一片擬卿雲鋪牋見此代猶宋試筆
慚他鷲換羣蒸粟底須誇玉色青蓮仍自隱經文用之不竭
非奇事金粟如來善化云

題項聖謨摹韓滉五牛圖再疊前韻

采采相忘水石間黃鐘韻滿脰鳴間青桐居士今知勝虎賁

中郎在慕艱

故大學士蔣廷錫有摹項聖謨五牛卷以未得見韓滉真蹟自題跋語中深致企慕今三卷先

後俱入石渠寶笈矣

兼得王羊不脛間

韓滉卷已先入大內

千年一瞬靜披閒居然十五午

來牧恆亦因知穡事艱

書

新正降旨加賑江浙去歲被水飢民並免米豆稅詩以紀

事 乾隆二十一年

診行三吳區哀鴻歎連歲昨秋更甚前嘉杭亦奄逮下隰已

無收幸餘高厚地而何蟲生之嚴霜復早至嗟哉惲獨民胡

堪諸患萃比戶鮮蓋藏無怪穀踴貴救災艱良方遑存屯膏

意截漕及畱帑旁籌入粟制復思近利輩米豆免關稅庶幾

設漸多差免流離轉壑念時榮調幕顏常愧實乏大禹能

穀漸多差免流離旣轉壑念時縈調幕顏常愧實乏大禹能
匪市馮謹惠

命緩徵浙江本年正供詩以紀事

總督喀爾吉善奏浙西春雨過多麥蠶俱減因命緩本年
應徵賦稅以紓民力並詔江蘇大吏察上年災重之地一
體緩徵以示軫卹

圖

越角連吳根被災大都似吳吏陳備悉越牧或諱飾叶所以
調賑惠遂因異倍蓰徐察知其然補救原同視茲聞蠶麥歉
益切飢溺已調租及截漕次第施行矣緩徵逮本年例外蘇
瘡痛絜矩有常經念此寧忘彼申命詔吳中民瘼虛心揣其

有災重區於越恩一體致和已愧之拯災可更委顛望九秋
登元氣復閭里

正月二日降旨免江浙積欠詩以喻志

乾隆二十二年

始和布寬大頻年率例行茲當巡東南酬彼望幸情辛未縱
調豁寒暑六歲更况復屢遭歉溝壑哀鴻鳴賑飢救一時賦
稅有常程災重乃調租其輕則緩征積少因成多數累巨萬
盈催逋民奚堪是宜一免清長吏詎政拙閭閻寧畱贏指口
澤國臨吾將省春耕

浙

題趙孟堅水仙二絕

清泉照影澹無痕白石為鄰態共騫紀異無須道河伯傳神

端許擅王孫

屈子行吟湘水濱
楚人擬說水仙人
離騷讀盡無名字
應是難為自寫真

入浙江境

輕舟曉日別吳門
川路溪煙漾晏溫
柳葉青籠雞犬社
菜花黃入芋蘿村
連江頓覺民風異
轉壑都關吾意存
恩沛寧無需再沛
疇咨大吏悉心論

過嘉興府城

接境金閭卽秀水
此豐彼歉理真無
旋知大吏為屯澤
肯使斯民歎向隅
前秋南省偏災江浙接境江蘇請賑之地頗廣而浙省報災獨輕且全遺嘉郡因特命加賑

溝壑流離期普濟閭閻氣象幸微蘇城鄉輟僻從來異不獲

吾猶厯一夫

題煙雨樓

館

楊柳磯邊繫畫舟六年清蹕重去聲來遊素稱雨意復煙意漫

數處州還沔州名勝志煙雨樓有三一卽此詩句還從畫間

得雲山常在境中畱鴛湖依舊誰相識懶惰無心問野鷗

謹案前詩恭摹

宸翰勒石於煙雨樓下

觀錢陳羣書趙孟頫耕織圖詩屏題句

侍臣歸老此居停煙雨樓中書素屏悉我重耕還重織豈其

如畫竟如銘深惟衣食求民瘼詎止湖山悅性靈無逸爾知

曾九水翰 勤政殿屏間無逸 嘉慈金鏡效張翰

曾染翰

勤政殿屏閒無逸
篇朕所手書也

嘉茲金鏡效張齡

煙雨樓卽景

不蓬萊島卽方壺弱柳新萸清且都煙態依稀如雨態

是日晴和

滌湖消息遞西湖自宜春夏秋冬景何必漁樵耕牧圖

士民有陳

漁樵耕牧圖者故戲及之

應放晴光補疇昔

辛未至此煙霧中頗不見遠

奇遐畢獻興

真如

宸翰

謹案前詩恭摹勒石於煙雨樓下

和錢陳羣田園雜興十首書以賜之

庸醫望問覓形聲氣簡三閭病豈成我令歸田靜調攝精神

竟得復平生

忽忽過隙白駒催問道家居七袞開蹕路迎鑾多舊侶就中

頗喜此人來

村舍何妨門縛柴逃禪時有野僧來惟應戀闕心如炷辨色

趨朝心未灰

書

前歲災鴻實弊勞賑賙南望首徒搔相逢為問民蘇未巡狩

寧因問柳桃

開年正可墾春畦更喜柔桑葉漸肥勸穡課蠶林下事豈能

高枕說閒歸

武原舟放莫教遲

見陳羣詩

煙雨樓前煙雨微檢得石湖詩卅首

一時賡韻興軒飛

陳羣詩本和范成大田園雜興三十首之十也

溪上風來料峭寒春衫也覺切肌單笑伊何故朝衣典鄉俸

溪上風來料峭寒春衫也覺切肌單笑伊何故朝衣典鄉俸

從今志可寬

命如沈德潛例在
家食俸故戲及之

世族錢塘嫡派錢禦兒遷里是何年澁湖淼淼澄明水可養

胸中一片天

溪雲欲泮柳煙低柳外青帘颺影飛新壓糟牀春酒熟換沽

可解帶腰圍

炊黍何論尊與菘怡情桃李繪薰醲今來扈蹕權教置可忘

螭頭珥筆供

謹案前詩錢陳羣恭摹

宸

翰勒石於家

水石門道中作

水程卅里惠風柔迤邐由拳接秀州每至橫橋人更庶夾川
歡喜逗龍舟

杏花紅覆菜花黃間出芃芃綠麥長岸轉山迴渾助喜為看

芒穗報秋穰

徐行減從經城郭萬騎奔馳亦底為到岸畫艫還少待率知

舟較馬猶遲

溪亭水市夾橫塘老幼扶攜共觀光卻喜陌桑纔吐葉人家

未至礙蠶忙

偶因建置考圖經降縣升州浪與名天下本來無事好石城

榮辱豈關情

自嘉興一日至靈巖駐蹕二首

構李至靈巖一百卅餘里舟行縱順風比至亦晚矣長隄可
跋馬篤速便且駛易馬行逾刻風帆落後已北南殊所習其
別乃若此誰掛翰林帆布帆有大書翰林者是日所見故戲及之晝寢方隱几前
行馬及之艤岸行且止隨行無事之舟率令前行是日謂彼易馬由隄行及之故反落後落後勞彼喜逸無比飽食倦且眠夜到亦可耳

易舟寶帶橋取道石湖寺跋馬上方山復行廿里地申刻至
靈巖罨畫峰愈翠坐我臨湖榭太湖在襟袂非歷半日勞那
愜無窮意來往已半月彈指訝何易

題盛懋山水

蒼山白雲外茅屋竹籬西
牖下閒談古船頭獨泛谿
神傳殊
朗朗意潤轉淒淒拈得其中妙依稀是仲圭

題陳書荷花

濯漣色不妖微露香都淨
能底神韻傳伊人本蓮性

趙孟堅水仙卽用其韻

評量再譜合稱仙脫俗離塵意灑然不與荷花爭
夏日爲他

微有淨中妍

題金廷標畫

乾隆二十三年

浙

跣足科頭書在手罷釣扁舟
艤綠柳清音山水似涎溪伊人

可是陵陽否

姚綬樹石小景

乾隆二十四年

墨戲渾同書擘窠槎柯高出小嵯峨
試思挂壁宜何處亭子新成號古柯

題趙孟堅水仙二首

琢玉相金態出塵絕代仙王孫如解珮
合是洛川邊雪裏目盈潤風前鼻過馥
漫嗤工刻削無縫本天衣

金廷標雨景

我曾山陰鏡中行雨絲風片時作止
膩雪低傍馬頭生常覺濛濛溼衣履
衝煙邪許竹簾來爲趁前溪漲新水
窮黎赴時有若斯何異胼胝力田耜
歸來於今八閱春民瘼艱難口心

裏廷標無端寫成圖今昔熾然非彼此誰云今昔非彼此昔
雨多今雨艱矣愁多較可愁艱劇况復昔過今正爾吁嗟昔
過今正爾圖斯寧匪博我喜豈知展轉惹予煩迫爲東郊待
舉趾

題金廷標畫

農賈緇黃共一舟隨波何礙與爲浮岸傍別有招呼者似問
儂當得渡不

薄暮行人急問舟天邊霞腳落波浮畫圖省識擲風趣後喻
因緣亦解不

題金廷標畫

落千丈之飛瀑迸萬變之駭波倚怪松之砗砢臨絕澗之差
峩是巢許乎是夷齊乎乃能樂此岩阿耳目所食色聲胥空
相商一响孰異孰同攜杖童子聊自得較量付之之二翁

題金廷標畫

誰家亭榭真廷涼足山足水足徜徉迎風祇覺竹籟爽過雨
如聞荷氣香主翁繩榻恣盤礴童子適適各尋樂樓裏何人
意不盡綠柳紅欄下珠箔鶴鳴魚戲真性存有臺有沼有植
援不擬白傅履道坊定是溫公獨樂園溫公獨樂樂豈獨白
傅履道道亦履老安少懷我所厯觸目賞心喜題此

題女史陳書畫箴

桃柳春江

桃襯輕霞柳宰煙書堂豁朗眎晴川欲知水暖春江趣已有
乘流放鴨船

溪山清遠

清遠溪山肖浙東箠頭皴法是王蒙不須搖拂涼生席饒有
吹來林下風

題金廷標寫意秋英十八種

晚香玉

夏英看已是秋英
淅露嫵嫵放晚榮
兩字題名已鄰菊
可能離下伴淵明

山丹

離離娜娜照庭除
弄影清光過雨餘
最是風人工體物
錦衣

君子比顏如

山丹即詩疏所云渥丹也

鳳仙

淡暈精銀深纈紅
折枝漫自憶芳叢
畫師巧著芭蕉葉
何異

啾啾下碧桐

雞冠

峩峩露夕與風晨
衰貶從他染翰賓
卻憶荒村一聲唱
無端

起舞范陽人

藍雀花

嘉興府志 卷一
有身有尾有雙睛翔向芳叢得少停恰似昂然語絳幘一般
託蹟在禽經

石竹

嫵媚小卉足清幽張耒還思王子猷世上寧無偽君子底須
責備草花流

老少年

是葉皆花古錦披老年貌勝少年姿又如疏傅歸東海娛樂
田廬中酒時

玉簪

牆陰砌角露華新琳質檀心淡有神設使漢宮臨曉鏡祇宜

浙 五 圖 館

持贈李夫人

秋葵

不共春華一例榮有心惟解向陽傾
疾風勁草吟前句始識秋葵善副名

紫薇

寓意得宜是畫家向陽爲伴亞瓶斜
千秋對者誰稱合獨許香山不負花

錦葵

女夷遊戲賦芳菲四季流行一氣機
衛足設教相較量此花曰具體而微

翠菊

蓓蕾初舒翡翠英
綠蕉葉襯似鋪瓊
佛螺擬議非唐突
物物
昆盧頂上行

萬壽菊

黃金為瓣玉為叢
煽煽風蕭露泥中
合向

萱階祝

萬壽由來正色一般同

蘭

墨蘭自是王孫法
何必當秋不散芬
獨植一盆應有意
可容
凡卉與為羣

浙江圖書館

金盞

折來疑帶露
灑灑盞是秋
金色是黃鍾
令昔稱善醒
酒一中
之審又何妨

秋海棠

錯置寒英各有姿
嬌紅偏覺態離披
小名漫道稱呼舛
雅似

花鈿委地時

丹桂

尋常只合中秋看
每向皋塗覓早花

香山皋塗精舍育桂花七月卽有早開者卻

喜藝林真解事
簪餅金粟換丹砂

翦紅紗

浣得溪紗重染朱翦來曾不費工夫曰名曰象憑人謂試問
羣芳自織無

題金廷標人物

館

蹇驢怯渡蹲肥跂奴子長纏儘力牽騎者鞭毆復懷懼旅情
一段畢神傳

題金廷標四皓圖

圖

深山大澤擬商賢四老婆娑杖履閒何必磻溪心蹟愧
反司空圖
詩
意從朝也未忘人間

浙

金廷標懸崖採芝圖

俯澗地仙矚似鶴援藤童子捷於猿金枝朵朵那堪採迴首

遙須問一言

金廷標鬻茶圖

乾隆二十五年

繡壁琳溪綠陰澗擇勝建城權歇擔龍腦不入恐奪真鳳髓
小異何妨淡滌煩喜就碧梧風供役且殊陽武僮然疑突間
祀陸羽依稀椀際遇盧仝周昉寓意古無比小幅傳神頗清
美已飢已渴禹稷懷渴亦人情吾廬此

金廷標聽泉圖

奇松旣埤壘詭石復破礮振鷺落巖間繁會八音夥高人耳
屬右迴顧語其左是日以目聽於斯何不可

題金廷標十八學士圖

嘉興府志 卷首一
當年學士號登瀛天策居然是玉京試問圖中擬仙者果真
誰忘世間情

題金廷標放鶴圖

一鶴立苔蒼一鶴翔松古翁僕齊拍手呼之鶴喜舞迴顧不
肯飛似與其儕語稻梁隨處安奚必青田圃是謂善寫照傳

神在阿堵故實斯已多那辨張

天驥林逋許渾

題金廷標人物

舍薪納履且遲行樵伴迴看若有情一例鴟蹲自結繫文侯
胡乃獨傳名

題金廷標畫

水閣暴書其法映開溪似延望小徘徊船頭更有招呼者爲報

水閣曝書芸帙開
奚奴延望小徘徊
船頭更有招呼者
爲報主人載鶴來

山將欲雨水先波
景可行看事可哦
便是畫家工別裁
去聲等閒不較法如何

題金廷標畫

一川流水兩江村
問村何名朱與陳
紅船鼓吹方迎婿
醉儂側弁無禮文
太古猶見民風淳
橫溪小舫俯碧淪
左圖右史伴閒身
疑是煙波釣叟倫
近橋且艤水之濱
有客牽驢過橋垠
驢怯不度駐足蹲
後毆前挽情入眞
此岸綠樹蓋四鄰
老幼男婦都欣欣
擔籃而至市蟹民
作惡遇是駭孩羣
放籃走

逆蟹紛紛旁行郭索如逃軍衆童爭攫跋跡奔獲者喜走失者窘叶螫傷足者呱涕痕蟹翁瞪目徒怒嗔七情畢寫皆得神顧陸以後今幾人

偶爲橋梓圖賜錢陳羣疊舊作韻

重五日陳羣書和賜其子汝誠書畫扇以進蓋欲之而不敢言陳羣老矣不可使因此鬱鬱於懷促成是幅並疊舊韻賜之不復計筆墨之工拙矣

南國應嘗穀雨茶筵頭書自遂初家貢來卻好臨蒲節賜去

無須寶墨華教寄北山聊示梓卽付其子寄去漫參西土擬拈花高

年已覺多男累陳羣白云如是卽以調之莫逐東風更羨鴉

世謹案前詩詞及畫錢陳羣未此舉

宸翰

勒石於家

謹案前詩及畫錢陳羣恭摹

題金廷標畫仙山樓閣

觀聳琳琅洲鳳麟蘂珠叢下會羣真底須更檢神仙傳一例
丹臺注籍人

蕩影虛無曳彩虹憑欄意與海天空欺人漫自稱清淺一笑
千春俯八鴻

界道琉璃禹步移瑤華琪樹鬱參差遣將瑞鶴凌空去玉檢
銀題定寄誰

解得江山煮半鎗長生妙訣合無生笑他癡念延年者隔岸
惟應渴望瀛

項元汴畫王維避暑詩意

絕壁聳峻嶒飛泉落上層對來知暑避望去訝雲興畫法倪
高士詩傳王右丞巖前及林下意入我原曾

題金廷標畫人物

瞽目先生小說流稗官敲鉢唱街頭村翁里婦扶攜聽倘為

去聲歡欣倘為去聲愁

金廷標秋英十二種

文殊蘭

色相何曾似九畹人云蘭亦曰蘭然拈來漫擬稱名悞應是

文殊示別傳

浙江圖書

老少年

秋籬無葉不花開紅矣何曾雁到來

又名雁來紅

恰似會昌觴酌

罷酡顏箇箇醉芳醕

雞冠

昂藏如報日曛曛
嶷嶷彤標艷艷紅
我有宵衣籌治責
對之輒復憶齊風

玉簪

葉態花姿受露多
牆陰砌角自婆婆
娑如雲鬢髮偏宜
縮不藉

玉人費琢磨

秋海棠

一種寒英性獨柔
露華拂檻最風流
長生殿裏癡情重
既占春還不讓秋

萬壽菊

色借秋金爛爛明
每當七八月華榮
幽風句入羣芳譜
恰許公堂稱兕觥

秋葵

稜稜翠葉簇花黃
曉砌扶疎灑露光
卉裏解存歲寒意
春陽不向向秋陽

藍菊

深藍淺紫各芳蕤
引蝶迷蜂又一時
名氏縱教聯菊譜
淵明

曾未著東籬

金錢

買斷三秋也足豪不從四字不從刀成詩已自聞盧肇著論
寧妨誚魯褒

藍雀

有翼何曾解跳蕭有黃目不擘如椒無端野雀翩然下欲與
同羣颺碧霄

山丹

五出黃花赤點斑秋來芳意滿西山拈毫擬議云何似栩栩
春駒奔晚間

僧鞵

足不知為屨紫茸空行那肯漫留蹤假如驀向宋雲問可識
當年蔥嶺逢

題金廷標畫

書

山峙鬱蔥然江流亘大川夷嶮精舍構壘樹綠雲連卻似灤
陽墅而臨秋仲天寄教粘素壁待我印當前

題金廷標畫壘前韻

畫境兩疑然精神會一川開窗山宛似題句韻還連樹壘蒼
茫嶺雲澄碧落天丹青本無翼到此訝居前

舊作有寄教粘素壁待我印當

前之句懋勤攜來頽張壁間矣

題金廷標醉菊圖

菊節忽已過傳來醉菊圖重儻緣素景別契是神樞挺埴商

顏數

圖中四醉老

淋灑彭澤模科頭倚客背箕踞厭僧趺餅罄憑

而寐花香嗅以飲看山半酩者應慚

去聲

獨醒夫

題吳鎮松竹梅蘭四友圖

乾隆二十六年

歲寒三益一增前生面將云開別傳誰識道人為墨戲我心

先已獲同然

向與三友增入幽蘭並寫圖成什茲得吳鎮卷乃知已有此作因並誌之

題金廷標嗜酸圖

鏗嚼青梅下嚙難流涎脣哆復眉攢區區那管旁人笑白苧

儒生本嗜酸

績事傳神阿堵難評量滋味綠陰攢三翁不著伊誰氏都帶

梅家一點酸

蘇東坡詩往往亦帶梅翁酸註謂梅聖俞

底較葉梅不易難所耽轉覺百憂攢畫師善寫曹公術刺齒

生津解渴酸

書

盛懋溪山窈窕圖

圖

雲棧盤紆石澗潺旅人驢背問津關竹樓卻有幽居者窈窕

溪山鎮日閒

錢汝誠錄西巡舊作小冊以進口號調之

汝誠此意我先知正是催詩非錄詩庚午數過丙寅倍

丙寅冊得

詩八十七首庚午計得至一百八十九首茲行亦不欲減其數也

倍斯何必可虛其

盛懋瑤林積雪圖

乾隆二十七年

寒林白屋依微出
蕭寺紅樓縹緲橫
借問版橋驢背客
眼中景可入詩情

題金廷標人物

對梅鋪紙與傳神
香影真情領略親
彷彿山中高士道
冰肌同是箇中人

降旨免江浙積欠詩以誌事

有序

春頌青陸將迎

鳳輦於維南日下黃封早
佇雞竿於自北爰仿再巡之典
制俾寬三省之供輸
念額徵既羨乎鄰疆
知尾欠旋贏夫比歲

雖遇微眚而必緩長官自識勤撫字以輟催科卽希明詔
而少延下戶不無覲新恩以紆舊課嘉彼祝

釐之共切廣茲

錫類之咸周匪矜濺澤十行歡均白屋惟厘始和二日令協紫

泥云爾

行時葆駕指東南嘉與吾民共樂湛財賦重區歲有欠催科

概豁澤均覃積逋豈計萬已累三省共八十旁及俾寬省以

三安徽本所不到亦免之較彼豫人誠厚幸一為歡喜一為慚

項聖謨雲林清賞圖

積雪在喬林茅堂映雪深眼中無別客膝上有橫琴一片冰

虛是千秋古調尋鹿步枝原不藉瘦骨耐寒枯示

壺是千秋古調尋鹿裘原不藉瘦骨耐寒禁

題宋旭山水

竹籬茅舍帶江村萬壑千巖勢吐吞山淨無雲遮玉宇雨餘
有水到柴門仙家雞犬那聞吠世上簪裾且漫論不著桃花
林夾路恐防認是武陵源

沈德潛錢陳羣來接走筆成什書之各賜一通

二老江浙之大老新從九老會中迴身體康強自逢吉芝蘭
氣味還相陪迎隄驀遇以爲喜出詩命和羣應推更與殷勤
訂佳約期頤定復登金臺

二人皆云朕六旬時德潛當九十
八陳羣當八十七必皆入京叩賀
亦笑許之

入浙江境

一水原無異兩疆頓爾分行春三月近迎駕萬民紛瞻就寧
須禁頌揚非所欣不謀共尊戴保赤益心勤

過嘉興府城

書

御舟別路溯漕河登陸春城按轡過吳帝經營非舊郭周書
假借得嘉禾戶聞絃誦漸摩善野富蠶桑衣被多博施愧予
焉濟衆民情到處總逢和

遊煙雨樓與莊有恭聯句用石鼎體

澎湖換輕舟載咨攜大吏延樓鏡中央

御製

疊嶂圖次第元璋首締構仲圭足標致名寧詫鴛鴦

臣莊

恭有

御製

利頗擅荷芰謂當煙雨濛乃值春光霽游日益悅心

對時兼得地青巒識送迎白鳥忘呵避柔桑驗萌芽臣莊

恭有

御製

繡壤嫌鼓吹耕織八政關鐘磬元音肄

樓中舊有錢陳羣書趙孟頫耕織圖詩屏

今來復書朕鐫鐘特磬二銘於壁

老錢筆老健

蒙莊眎蒙翳

臣日本近視蒙中陳羣所書幾茫無以對

詢樓前虛

豹尾隨今預

鷓頭伺隄桃佇醜紅

臣莊有恭

御製

渚柳漸凝翠近遠景畢呈吟咏典誠遂何殊侍西清

竊幸返

南暨遲牽載書船急控催詩轡遇榮三接承臣莊有恭

御製音矢載賡繼頻陰所恆慣屢晴實罕事卻慮誤東作江浙澤國夙稱

多雨自渡江旬餘總逢晴和雖立暢覽實厯農時不無望雨之意

然誠得兩利冬雪優霑正月下旬雪繼以雨今三農足

冬雪萬國來輯瑞瞻

天愜衆懷臣莊有恭

御製觀風厪予意陽舒固勝陰月計尤省歲勛爾惟清心體茲共

濟義

勅敬書勒石於煙雨樓下謹案前詩浙江巡撫莊有恭奉

再題煙雨樓

未年丑歲兩經行
煙雨都逢副盛名
卻訝今番出新樣
自過江後總開晴
柳絲窈地折腰舞
梅朵烘春笑口迎
更上高樓聊極目
水邨近遠望分明

宸

翰勒石於煙雨樓下

謹案前詩恭摹

三塔寺賜名茶禪寺因題句

積土築招提

三塔寺基舊為潭不利往來舟楫唐僧行雲積土起塔吳越名保安院宋改景德禪寺又名三

塔寺蘇軾三過煮茶

千秋鎮秀溪予思仍舊貫僧顓賜新題偈憶趙州

舉茶經玉局攜登舟語首座付爾好幽棲

謹案前詩恭摹

宸

翰勒石於寺

嘉興府志 卷之十一
過嘉興再和錢陳羣田園雜興十首

接踵迎鑾多頌聲
觀民惟愧政無成
境臨秀水心聊喜
爲晤林居有老生

祝

釐昨歲驛程催
九老圖形霽月開
便令還鄉頤暮齒
宣傳不許遠迎來

稜稜孤鶴瘦如柴
圓嶠方壺任往來
鶴其性人壽其似會
看劫火有寒灰

遊山屐總不辭勞
遇勝吟詩白髮搔
花瀨濛濛春澹澹
微醺何礙暈如桃

春田未致手親畦
俸養何妨刺齒肥
常把一篇宏景傳
殊途

春田未致手親畦俸養何妨刺齒肥常把一篇宏景傳殊途
要欲有同歸

三月違如三歲遲詩裁前席辨精微雖然賜杖何須杖見說

香山步似飛

昨命九老就香山遊讌以副嘉會先期並有賜杖

薄試春寒冬更寒吾民寧乏有衣單定當剴切陳民隱莫飾
其辭蘄意寬

結屋江鄉不費錢雙槐門巷蔭多年樸淳生計耕還織淡蕩
心情水與天

樓臺煙雨望中低早見書屏健筆飛

煙雨樓有陳羣書趙孟頫耕織圖詩屏

新

署頭銜榮晚節定知家慶子孫圍

鄉味休耽韭與菘行時韶令正芳醲為吾數日隨清蹕可負
湖山佳景供

題張南本華封三祝圖

錢陳羣所進自作贊

封人三祝帝堯辭穀食鶉居請進之終始欽哉吾所企陳羣
每頌不忘規

過石門縣

策馬石門縣觀民度石城閭閻際時泰埤垵倚春晴寸土桑
麻地萬家絃誦聲何加日惟教然匪尚詞英

復遊煙雨樓

前度晴中閣春景今朝雨後賞煙光

是日細雨即止輕陰猶戀波瀾

意細籟都含花木香

果然名實善相隨百尺高樓悅目時試看淺煙方淡蕩便教
不雨也迷離

煙雨樓疊舊作韻

煙絲罨柳柳絲濛雨意迎人人意通自是雲容盟水態並宜

草綠藉花紅奚稱處括沔陽彼

處州括山及沔陽州並有煙雨樓而嘉興名特著

在天高地厚中耕織圖詩屏宛在

樓中有錢陳羣書趙孟頫耕織圖詩屏

惇史惕深宮

謹案前詩三首恭摹

宸翰勒石於煙雨樓下

題姚綬江南春雨圖

前度晴中閣春景今朝雨後賞煙光是日細雨即止輕陰猶戀波瀾

江南春雨今春好未致溟濛屢日連也自濯枝還澗葉大勝

辛歲與丁年前兩度南巡陰雨日多今歲晴雨應時不誤農功復宜遊覽 多人豪飲非殊

地見姚綬自識語逸史清圖亦在船笑我歸來方一展翻飛興復到

江邊

書

竹根如意錢陳羣所進既成是什復郵致令其和之 乾隆二十八年

首曲非由燥火成天然寧是裁去聲金營匠人雕飾緣工巧高

士指揮愛格清有節更看文以賁從心不踰矩斯貞本宜賜

與齊賢器摛藻翻因獻憲卿

浙

御題謹案錢陳羣呈進竹根如意仰蒙

宸翰勒石於家

題金廷標醉八仙圖

或有唐臣或漢臣忘年友聚翠嶙峋
仙同子美歌七字名換知章輩
八人世外煙花付荏苒壺中懷抱寄清醇
蓬瀛天地曹騰閱絕勝沅湘獨醒倫

命金廷標樵李公麟五馬圖法畫愛烏罕四駿因疊前韻

作歌

元祐頗亦訖聲教于闐董擅達狄鞮
左騏驥院育良駟鳳頭錦膊名堪稽
以此公麟畱妙蹟不脛乃入西清西
徒觀傳神及畫骨詎珍金躐與玉題
茲者致貢愛烏罕昂藏有過無不
齊泰西繪具別傳法

前歌會命郎世寧為圖

沒骨會命寫裏蹠著色精

細入毫末宛然四駿騰沙隄似則似矣遠古格盛事可使方

前低廷標南人善南筆樵舊令貌銳耳批驄駉駿各曲肖

卓立意已超雲霓副以于思服本色即世寧所畫有馬而無人茲各寫執勒人一如

伯時卷中法執勒按隊牽馱馱以郎世寧之似合李公麟格爰成絕藝

稱全提匪說攸聞垂往訓萬類一理終無睽長歌慚匪工部

健徒懷往作吟蘇後向題李公麟五馬圖起句云杜陵題畫馬不一要貴取義非脩辭又子美別蘇

後詩有贈爾秦人策莫鞭轅下駒之句

盛懋風雨歸舟

短篙破繖自支撐活脫舟人冒涉情此際同心期彼岸無端

異議有誰生

題吳鎮赤壁圖

月白風清夜聊為赤壁遊了知非後賦二客尙同舟

石芝 乾隆二十九年

館

說文珊瑚生於海本草又稱生海中磐石上白如菌一歲變黃二歲變赤此石芝似之豈火樹所未變成者耶蓋錢

陳羣所進而非東坡所食之物也率爾題句並驛令和之

還鄉未下海中羅 陳羣故里嘉興有還鄉河假借用之 石菌居然致則那蒸出

歎非好子厚夢遊幻亦異東坡芳甘漫擬雞蘇味斐郁宛同

鳳尾婆何必賤璿珍鎮玉他山原待琢兮磨

謹案前詩並

御畫石芝圖錢陳羣恭摹

宸翰勒石於家

名畫蒼珍

霜染秋林深淺紅書堂疑在絳雲中依然不改惟獨樹似者
為誰立兩翁商酌吟情元與白檢參畫格浩兮全平頭奴子
須頻掃軟火煎茶勝爨桐

圖

右盛懋紅葉書堂圖

題金廷標仿蘇漢臣貨郎擔圖

兒童闌買笑還嗔維谷徒誇百貨新不向圖生分別見悟殊
此者更何人

題金廷標畫

不教篋舫換柴扉
團聚常看婦子圍
橙岸繫船羣曬網
盤餐喜有鱖魚肥

右漁

山頭薪負過溪濱
擔賣無過左近鄰
何必道中嘔且讀
報妻終不學吳人

右樵

揮汗耘田日正長
偷閒小睡午陰涼
夢還不涉邯鄲境
也祇殷勤較雨暘

右耕

三家村裏古風存
白首田翁自課孫
耕織相安王道具
寧須

時務細陳論

右讀

題金廷標戲嬰圖

館

曲檻碧池濱遊童作隊親雖嬉鮮人欲相近足天真豈弟胥
同志崢嶸畢肖神如今詠棋局知孰句超倫

題金廷標畫

五

碧巘吹簫坐真仙共作陪含風柏籟和隔谷嶺雲開心與音
如水身將境絕埃虛無凝眺處疑有紫鸞來

題金廷標羣嬰鬪草圖

垂楊奇石草芊萋紅綠傾籃鬪買低赤子之心愛生意名言

又復有通陳持籌漫計贏巨萬投匱都教豁窳貧仍慮十行

又復有逋陳持籌漫計贏巨萬投匱都教豁窶貧仍慮十行
或遺略屆期應更細咨詢

垂楊奇石草芊萋紅綠傾籃鬪賈低赤子之心愛生意名言
那識有濂溪

金廷標羣嬰撲棗圖

八月珠丸可剝辰羣嬰撲取曲池濱卻看晚芰猶舒豔那許
交梨獨擅珍挈袂收來神特雋擊盤承處態如真何須肥瘦
較兄弟總是其間能讓人

題陳書長松圖

壁畫長松三百年

見畫中
自識語

真松窓外綠參天兩翁不識誰兄

弟照影疑如立鏡前

降旨免江浙積欠詩以誌事

有序

乾隆三十年

供輸維正租庸恆甲於南邦澤沛非常蠲復早申於北闕
循三載一巡之盛事計籍加詳佈元辰二日之恩言郵傳
倍速咨彼額徵未足覲延不乏齊民軫茲尾欠猶懸被歉
寧無下戶縱比年頻致十千之取而爲數尙踰百萬而贏
詢疆吏以陳書清問每勤夫側席勅度支而奏課宣條毋
靳乎持籌庶幾澤溥飛鴻白屋三時歌鼓腹抑且村閒吠
犬青旗一路樂遨頭云爾

題錢陳羣進伊祖瑞徵所篆瑞日祥雲和風甘雨章

題錢陳羣進伊祖瑞徵所篆瑞日祥雲和風甘雨章

迎春帖子進南方先以家傳古篆章瑞日祥雲兆歲美和風
甘雨卜農慶休徵敢謂時斯應善頌還嘉規不忘願共吾民
沐新社春祺嘒嘒萃方昌

盛懋映雪讀書圖

交遊不襍樂家貧映雪觀書造意新自是稜稜志清介何須

類舉負薪人

揚榮識語並舉買臣負薪圖子以為映雪讀書自是高致非負薪者可比失去固恰當耳

題金廷標畱帶圖

東坡玉帶既貯之以檀匣復為錦囊什襲用示珍重白綾

裏命金廷標為圖因成是作題之

愛帶都緣為愛人言之不足命傳神恍如坡印視予笑笑是

居然未離去聲塵

沈德潛錢陳羣來接因成是什仍各書一通賜之

二仙仍此候河濱三載相睽意更親郭泰李膺一煙舫二人同舟

而來沈期錢起兩詩人飄然白髮都還健瞭爾青瞳自有神筆

力年華雖共老載賡知復倍清新

題趙孟堅白描水仙

影愛波中照態惟月下娟陳思成賦後祇合以圖傳

龍女獻珠時羣姝左右隨色香飯至淨都受兩毘尼

入浙江境

一川不異舟兩省頓分郵風俗漸因別桑麻較更稠春晴真

是暢三載忽如流祇覺民情切惠鮮可忘謀

是暢三載忽如流祇覺民情切惠鮮可忘謀

遊煙雨樓卽景襍咏四首

煙雨今朝煙雨無眺吟暢好不模糊菜花黃映麥苗綠所喜

猶然在此乎

卽景無過遣興題過譽老筆注金鎰

樓中錢陳羣書舊作並跋語張壁頗覺過譽

樓前一對玉蘭樹直與樓簷開並齊

近涯野艇不譙訶漁樂憑看樂若何訝似天孫機杼張

去聲錦

端來往織仙梭

船泛春波天上坐樓稱煙雨霽中來韶光陶冶無先後庭際

辛夷盆裏梅

題煙雨樓

峇巽無地起樓臺一棹宛從鏡裏來問孰立煙更立雨合稱

惟柳復惟梅韶光豔裔為屏匝漪影空明映座開錢趙王孫

詩與字

樓中有錢陳羣書趙孟頫耕織圖詩屏

卻因吟翫久延陪

宸

翰勒石於煙雨樓下

遊煙雨樓與莊有恭聯句疊前韻作

御製

昔茲撫土臣今為隔省吏

前年調莊有恭撫蘇仍就近兼管海塘事務

仍攜因閱

塘

叨陪逾及第

臣昔蒙

特拔巍科茲再荷恩命得侍聯句尤為榮幸

嘉禾奉

清娛高樓挹佳致花繁雙樹玉

臣莊有恭

御香凝千頃芝名循慮煙雨近頻實惠快晴霽何處不籌農

御製香儂千頃芟名循慮煙雨近頗望晴實惠快晴霽何處不籌農

所喜無棄地就瞻

禁譙訶蹴踏

館

勅趨避

萬姓歡迎環擁左右者或踐及菜麥每

上不令訶蹕其趨隨

書

諭避之亦勿顧也

藹然衢

謠盈臣莊有恭

御製翁若天籟吹頗嘉新政觀莫忘舊學肆行當侍左右

已授有恭刑部

尚書協辦大學士仍令在內廷行走

頓爾豁障翳簿書幸寬程筆札願謹伺

撫時值風和

臣莊有恭

御製延遠勝山翠

嘉興境內無山憑眺益遠

一天景越朗四隣望俱遂澄波識

魚樂

董其昌書魚樂國勒石樓前

厚澤欣眾暨澎湖正

迴權秀溪

橋名復

館

控轡

是日

十里老幼遮道瞻仰幾無隙地

上迴舟即乘騎數

萬千氣象呈

臣莊有恭

御製

百二春光繼

時值閏二月

攬結敢恣興遊豫無非事明將鹽官駐

總

厘海鹽利北漲常安瀾中開必表瑞

北岸漲沙益遠則中小鹽故道自可復開

聖仁感

浙

天仁

臣莊有恭

御製予意視民意翹心緬四巡睫眼又三歲載賡非玩物懷哉惟

製
意視民意翹心緬四巡瞻眼又三歲載廣非玩物懷哉惟

展義

降旨免浙省所有積欠並經過地方正賦十分之五詩以

誌事

館

新正降恩諭江浙免積逋江省數實多

前降旨免江浙逋賦江南至一百四十餘

萬浙江止十三萬餘已不及十分之一

且又報有續完則較江省更少南北已大殊因加惠江

南

昨經臨江省詢知所免災緩積欠淮北獨多江以南纔三萬餘因將江蘇各屬熟田未完欠項概行調免並免水陸

所經州縣本年額賦十分之五浙省赤子懷保同

殷悉子豁除復將經過地方新賦調半以均惠澤浙省可忘

乎入疆再諮詢逋祇江南如更有續完者急公益嘉予漕欠

及借項寬免例所無此豈非在民爰概與豁除其經過正賦

十五調厥租休助庶以副歌頌寧所圖

自石門縣跋馬度城易輕舟至陳氏安瀾園卽景禱咏

艤舟跋馬度由拳心喜觀民緩著鞭更有閱塘予正務遂循

溪路易輕船

館

夾溪萬姓喜迎鑾桑柘盈郊入畫看廿四槳過風帆去聲駛片

時新壩到長安卽壩名

圖

壩隔高低換綵舟綵舟致重櫓聲柔仍圖迅利策予馬蓄眼

韶光面面酬

江

鹽官三載重經臨兩字安瀾實渾心駐輦春風樂清暇果然

城市有山林

賜錢陳羣

王帖一旬猶過之義之帖足下今年政七十來迎喜重去聲昭

王帖一旬猶過之

羲之帖足下今年政七十來迎喜重

去聲

龐眉杖朝足領羣仙列從政仍教一子隨

陳羣子汝誠適扈蹕來

商確

古今關治亂咨詢風物度淳漓我閒卻是卿無暇合為催賡

攬勝詩

題宋旭西湖圖

日日西湖圖裏遊何須展卷證風流石門恍似相傳語異地

還當藉此不

再遊煙雨樓

南去北還半月餘澎湖樓閣祇猶初墨辛夷縱花全謝紫碧

桃方朵豔舒

是處見紫碧桃花特鮮豔

波態含煙欲藏舫雲容釀雨正如

浙江圖書

車循名奚要惟晴好念在蠶筐與麥鋤

謹案前詩恭摹

辰翰鵠扁敬懸於樓右

三和錢陳羣田園雜興詩十首

詩篇來往達音聲前席尤欣晤考成曰善頌卿思古者不忘

規我厘民生

圖

肩輿弗許遠迎催喜過新年八表開民數無央觀鑿路就中

遙說地仙來

清短身如愚也柴當年給杖重去聲扶來相逢一別三年話不

覺金猊篆已灰

問汝林居更底勞每逢賡韻首應搔

陳羣雖居林下每得新作常和韻以進故以此

句嘲

即今三疊田園興一例還當報木桃

詎必鄉田藉自畦潤身願以德充肥不妨春冷常朝出或遇
山佳定暮歸

晏眠誰斥入朝遲娛老那虞生理微子貳地官身里俸豈同
寒士論潛飛

鄉居想復濟貧寒未冒君恩身受單更有餘閒問風景南湖
春水映心寬

老伴詩人沈與錢清詞麗句答芳年爲詢北阜竹梅月何似
南樓煙雨天

于公門巷豈嫌低歸省還聽琴轡飛依驛卻因勤供奉有教

同汝林居更底勞每逢賡韻首應搔陳羣雖居林下每得新作常和韻以進故以此

婦子一家圍

陳羣以老侍從迎鑾後即隨扈行在特命其子汝誠先還家侍母俾得歡聚庭闈

石湖高致寄冬菘潤筆應知藉酒釀三十首中和十首

范成大田

園襍典本三十首陳羣所和三分之一也

想因詩興偶然供

題盛懋秋江待渡圖

書

攜笈囊琴何往哉河干小坐且徘徊略知阿堵其中意遠浦

扁舟望不來

浙江圖

嘉興府志卷首一



浙江圖書館

嘉興府志卷首一



浙江圖書館

Blue Cyan Green Yellow Red Magenta White 3/Color Black

TIFFEN Color Control Patches

© The Tiffen Company, 2007

Centimetres

1 2 3 4 5 6 7 8 9 10 11 12 13 14 15 16 17 18 19

Inches




浙江圖書館

915.1242
0031



浙江圖書館



Centimetres **TIFFEN** Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------